

第四冊 (全十冊)

■

■

■

國家圖書館出版社

《國語》研究文獻輯刊

宋志英 選編

第四冊

《國語》

研究文獻輯刊

國家圖書館出版社



第四冊目錄

國語正義二十一卷（卷九—卷二十一）（清）董增齡撰	一
卷九	一
卷十	三一
卷十一	一四一
卷十二	一六七
卷十三	一九三
卷十四	二二一
卷十五	二七七
卷十六	三二一
卷十七	三七三

卷十八		四三三
卷十九		四九一
卷二十		五五九
卷二十一		五七五

國語正義卷第九

歸安董增齡撰集

晉語三

惠公入而背內外之賂解惠公獻公庶子重耳之弟惠公夷吾也外秦內里丕也輿人誦之解輿衆也不歌曰誦曰佞之見佞果喪其田解僞善爲佞佞謂里丕受惠公賂田而納之見佞謂惠公入而不予也果猶竟也喪亾也喪田里丕不得其賂田詐之見詐果喪其賂解詐謂秦以詐立惠公不置德而置服也見詐謂惠公入而背之喪賂秦不得其賂地得國而徃終逢其咎解謂惠

公也狃怵也咎謂敗於韓疏

得國至其咎。爾雅釋言狃復也。詩疏引孫炎注狃

伏前事復爲也。故漢書顏注狃怵猶慣習也。謂慣習前

事而復爲之。尚書洪範子孫其逢吉逢訓大言惠公獲

咎必喪田不懲禍亂其興
解謂丕鄭也不得田不懲艾

復欲與秦共納重耳惠公殺之既里丕死
解既已也惠

公二年春殺里克秋殺丕鄭禍公隕於韓
解禍謂貪憐

之禍也秦伐晉戰於韓獲惠公以歸隕其師徒在魯僖

十五年郭偃曰善哉夫衆口禍福之門也
解偃晉大夫

善輿人之誦豫知之故曰衆口禍福之門是以君子省

衆而動
解動行也監戒而謀謀度而行
解監察也度揆

也察衆口以爲戒謀事揆義乃行之故無不濟內謀外

度考省不倦

解

考校也日考而習戒備畢矣

解

日自考

省習而行之戒備之道畢於是矣

惠公卽位出其世子而改葬之臭達於外

解

其世子申

生也獻公時申生葬不如禮故改葬之惠公烝於獻公

夫人賈君故申生臭達於外不欲爲無禮者所葬也唐

以賈君爲申生妃非也傳曰獻公娶於賈無子

疏

解共

無子○漢書楊王孫傳其穿下不亂泉上不泄臭外戚

傳王莽開傳太后棺臭聞數里此發之而臭聞若此傳

所言則葬也者藏也藏之而臭反達言申生之神所

爲也僖十五年傳杜注賈君晉獻公次妃惠棟曰獻公

取于賈則是正妃爲惠公適母何須穆姬之屬故唐尙

書謂申生妃僖十年傳夷吾無禮此爲近之案君小君

也申生未立其妃不得稱國人誦之曰貞之無報也孰

君故韋解指爲獻公夫人

國人誦之曰貞之無報也孰

是人斯而有是臭也

解

賈唐云貞正也謂惠公欲以正

禮改葬世子而不獲吉報也孰誰也斯斯世子也誰使

是人有是臭者言惠公使之也或云貞謂申生與下相

違似非也貞爲不聽

解

以正葬之而不見聽也信爲不

誠

解

信心行之不見誠也國斯無刑媮居幸生

解

也言惠公媮竊居位微幸而生不更厥貞大命其傾

解

不變更其正大命將傾傾危也威兮懷兮

解

思也言國人畏惠公思重耳也各聚爾有以待所歸兮

解爾有所有也猗兮違兮心之哀兮

解

猗歎也違去也

言民心欲去其上安土重遷故心哀之歲之二七其靡

有微兮

解

二十七十四歲後也靡無也無有微者亦以謂

子園也

疏

其靡有微兮○論語微生畝漢書人表作尾

帑杜注鳥尾曰帑詩常棣樂爾妻帑帑訓子人

之有子如鳥之有尾故輿人以微捐子園也若翟公

子吾是之依兮

解

謂重耳也鎮撫國家爲王妃兮**解**言

重耳當霸諸侯爲王妃偶

疏

爲王妃兮○爾雅釋詁妃合也妃對也妃嬀也詩疏

引某氏云天立厥妃以五成釋名配妃配也郭偃曰善哉

善之難也

解

難難爲也君改葬其君以爲榮也而惡滋

章夫人美於中必播於外而越於民民實戴之

解

美善

也播布也越揚也戴欣戴也言有善於中心必播於外

揚於民也惡亦如之故行不可不慎也必或知之**解**或

知下民必知其善否也十四年君之冢嗣其替乎解冢

嗣大子也替滅也其數告於民矣解數謂二七也公子

重耳其入乎其魄兆於民矣解魄形也兆見也若入必

伯諸侯以見天子其光耿於民矣解耿猶照也數言之

紀也解謂言者紀其數也魄意之術也解意民之志術

道也魄兆見而民志隨之光明之耀也紀言以敘之解

敘述也述意以導之解導開導也明耀以照之不至何

待欲先導者行乎解先導謂重耳導引者可行也將至

矣

惠公既殺里克而悔之曰芮也使寡人過殺我社稷之

鎮解芮冀芮也鎮重也郭偃聞之曰不謀而諫者冀芮

也解不先爲君謀而諫使君殺里克者冀芮也不圖而

殺者君也解言不與人謀而殺里克者君之過也不謀

而諫不忠不圖而殺不祥不忠受君之罰解言君當加

罰也不祥罹天之禍受君之罰死戮解戮辱也言死且

有辱罹天之禍無後解無後嗣也志道者勿忘將及矣

解志識也及至也勿忘此占言禍將至也及文公入解

文公重耳也秦人殺冀芮而施之解冀芮旣納文公而

悔將殺之文公知之潛會秦伯于王城冀芮焚公宮求

公不得遂如河上秦伯誘而殺之陳尸曰施疏解陳尸

曰施○

昭十四年施邢侯彼注訓効捕此訓陳尸者蓋邢侯聞
言而逃故須効捕此誘而殺之罪人已得故直陳其尸
且此旣言殺冀芮又言施之殺之後唯有肆諸市朝故
知陳尸也昭十四年傳孔疏引孔晁國語注施廢其族
也則晁讀施爲弛僖三十一年傳曰季使過冀見冀
缺耨是旣陳其尸又廢其子晁義與韋解得相通也

惠公卽位乃背秦賂使丕鄭聘於秦且謝之解謝不時

也而殺里克曰子殺二君與一大夫解二君奚齊卓子

一大夫荀息也爲子君者不亦難乎丕鄭如秦謝緩賂

解緩遲也乃謂穆公曰君厚問以召呂甥卻稱冀芮而

止之解問遺也以厚禮問遺此三人者晉大夫來因畱

止也以師奉公子重耳臣之屬內作晉君必出解屬七

輿大夫也必出惠公必出奔也穆公使洽至報問解洽

至秦大夫也報問報丕鄭之聘且問遺呂甥之屬疏穆

至報問○儀禮聘禮記小聘曰問曲禮鄭注問猶遺也蓋以問報丕鄭之聘

且召三大夫鄭

也與客將事

解客洽至也將事行聘事也冀芮曰鄭之

使薄而報厚

解薄禮幣少也其言我於秦也必使誘我

弗殺必作難

解不殺鄭必作難於我是故殺丕鄭及七

輿大夫

解七輿申生下軍之衆大夫也其華賈華叔堅

騅欬纍虎特宮山祁皆里丕之黨也不豹出奔秦

解豹

丕鄭之子丕鄭之自秦反也而聞里克死見其華曰可

以入乎其華曰二三子皆在而不及

解二三子七輿大

夫也不及謂罪不及也子使於秦可哉解可以入也

不鄭入君殺之其賜謂其華解共賜華之族晉大夫曰

子行乎其及也

解

行去也其及將見及也其華曰夫子

之入吾謀也將待及

解

言已誤不鄭將待禍及也賜曰

孰知之其華曰不可知而背之不信謀而困人不知解

謀不中爲困困而不死無勇任大惡三行將安入解任

荷也子其行矣我姑待死解子其賜也不鄭之子曰豹

出奔秦謂穆公曰晉君大失其衆背君賂殺里克而忌

處者衆固不說

解

忌惡也處者國中大夫也今又殺臣

之父及七輿大夫此其黨半國矣君若伐之其君必出

穆公曰失衆安能殺人

解

言晉君失衆焉能使衆殺爾

父及七與大夫且無禍唯無斃解斃死也罪不至死則
不爲亂足者不處解罪足以死則不處國處者不足解
處國者不足以死也勝敗若化解化言轉化無常也猶
丕鄭欲殺君君反殺之以禍爲違孰能出君解違去也
謂丕豹以禍故去其國誰能出君乎爾俟我解俟待也
待我國之

晉饑解穀不熟曰饑在魯僖十三年疏解穀不熟曰饑
不熟爲饑襄二十四年穀梁傳一穀不升謂之饑二穀
不升謂之饑三穀不升謂之饑四穀不升謂之饑五穀
不升謂之饑三穀不升謂之饑四穀不升謂之饑五穀
收謂之旱三穀不收謂之凶四穀不收謂之饑五穀不
收謂之饑雖名各參乞糴於秦丕豹曰晉君無禮於君
差其實五者皆饑也

衆莫不知解無禮背賂也往年有難今又荐饑解難謂

殺里丕之黨仍饑曰荐已失人又失天其殃也多矣解

失人里克也失天荐饑也君其伐之勿予糴公曰寡人

其君是惡其民何罪天殃流行國家代有解代更也補

乏麋饑道也不可以廢道於天下解麋進也謂公孫枝

曰予之乎解枝子桑也疏解枝子桑○李斯上書秦始皇

孫枝于晉則枝亦晉人公孫枝曰君有施於晉君晉君無施於其

衆今旱而聽於君其天道也解聽聽命於君也君若弗

予而天予之解予之年也苟衆不說其君之不報也則

有辭矣解苟使晉衆不說惠公不報秦施今不予糴則

晉得以爲辭故不可不予不如予之以說其衆衆說必

咎其君其君不聽然後誅焉雖欲禦我誰與是故汎舟

於河歸糴於晉

解汎浮也歸不返之辭也

疏汎舟至於

五年傳杜注從渭水運入河汾孔穎達曰秦都雍雍臨渭晉都絳絳臨汾渭水從雍而東至宏農華陰縣入河從河逆流而北上至河東汾陰縣乃東入汾逆流東行而通絳也秦饑公令河上輸之

粟解河上所許秦五城也號射曰弗予賂地而予之糴

解號射晉大夫

疏號射○晉世家集解引左傳服虔注號射惠公舅惠公母小戎子則號射

亦子無損於怨而厚於寇解厚猶彊也不若勿予公曰

然慶鄭曰不可解慶鄭晉大夫已賴其地而又愛其實

解賴贏也實穀也忘善而背德雖我必擊之解我當秦